

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj:7/10 i 3/23), a u vezi sa članom 112. stav 1. Poslovnika Skupštine Zeničko-dobojskog kantona (“Službene novine Zeničko-dobojskog kantona”, broj: 5/24, 8/25 i 18/25), razmatrajući Inicijativu za izradu Strategije pristupačnosti za osobe sa invaliditetom u Zeničko-dobojskom kantonu podnesenu od Alena Kapkovića, zastupnika u Skupštini Zeničko-dobojskog kantona, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 110. sjednici, održanoj 26.12.2025. godine, d o n o s i

ZAKLJUČAK

I.

Prihvata se Mišljenje Ministarstva za rad, socijalnu politiku i izbjeglice Zeničko-dobojskog kantona, broj: 09-02-19908-1/25 od 08.12.2025. godine o Inicijativi Alena Kapkovića, zastupnika u Skupštini Zeničko-dobojskog kantona za izradu Strategije pristupačnosti za osobe sa invaliditetom u Zeničko-dobojskom kantonu.

II.

Zaključak sa Mišljenjem iz tačke I. ovog zaključka upućuje se Skupštini Zeničko-dobojskog kantona.

III.

Zaključak stupa na snagu danom donošenja.

Broj: 02-_____/25
Datum, 26.12.2025. godine
Zenica

PREMIJER
po ovlaštenju

Dženana Čišija

DOSTAVLJENO:

1x Ministarstvo za rad, socijalnu politiku i izbjeglice,
1x Stručna služba Skupštine,
1x a/a.



ZENIČKO-DOBOJSKI KANTON

STRUČNA SLUŽBA SKUPŠTINE
n/r Predsjedavajući Skupštine

STRUČNA SLUŽBA VLADE
n/r Premijera
n/r Sekretara

Broj: 09-02-19908-1/25
Zenica, 08.12.2025. godine

PREDMET: Mišljenje o poslaničkoj inicijativi - daje se

Postupajući po vašim aktima, broj: 01-02-19908-1/25 od 07.11.2025. godine i broj: 02-1-02-19908-2/25 od 12.11.2025. godine, a u vezi s dostavljanjem mišljenja na poslaničku Inicijativu Alena Kapkovića, poslanika u Skupštini Zeničko-dobojskog kantona, zaprimljene na Protokolu Zeničko-dobojskog kantona dana 05.11.2025. godine i dostavljene Stručnoj službi Skupštine Zeničko-dobojskog kantona dana 07.11.2025. godine, u vezi inicijative za izradu Strategije pristupačnosti za osobe sa invaliditetom u Zeničko-dobojskom kantonu, Ministarstvo za rad, socijalnu politiku i izbjeglice Zeničko-dobojskog kantona daje sljedeće:

Mišljenje

Ministarstvo za rad, socijalnu politiku i izbjeglice Zeničko-dobojskog kantona podržava nastojanja da se uredi pristupačnost za osobe sa invaliditetom u Zeničko-dobojskom kantonu, kako bi se poboljšao položaj osoba sa invaliditetom, unaprijedio njihov kvalitet života i inkluzija u društvu na području Zeničko-dobojskog kantona. U vezi predložene izrade Strategije pristupačnosti za osobe sa invaliditetom u Zeničko-dobojskom kantonu, podsjećamo da je Vlada Federacije Bosne i Hercegovine na redovnoj sjednici dana 27.03.2025. godine usvojila Strategiju za unapređenje položaja i prava osoba sa invaliditetom za vremenski period 2025. – 2030. godine, a nakon razmatranja u oba doma Parlamenta Federacije Bosne i Hercegovine ova strategija je usvojena 30.10.2025. godine. Ova strategija je usklađena sa Strategijom razvoja FBiH, EU Strategija o pravima OSI 2021.– 2030. i drugim relevantnim dokumentima. Određen je strateški cilj „*Unaprijediti prava i položaj OSI u Federaciji BiH*“ i kao prvi strateški prioritet predviđeno: „*Unapređenje prostorno-komunikacijske pristupačnosti osoba s invaliditeom*“ sa konkretnim mjerama koje trebaju postati dio svakodnevne prakse na svim nivoima vlasti.

Federalno ministarstvo rada i socijalne politike će koordinirati, pratiti i usmjeravati implementaciju Strategije na nivou Federacije Bosne i Hercegovine, a kantonalne Vlade su

zadužene za formiranje radnih grupa/tijela za izradu kantonalnih akcionih planova implementacije ovog strateškog dokumenta za svoj kanton.

S tim u vezi, na prijedlog Ministarstva za rad, socijalnu politiku i izbjeglice Zeničko-dobojskog kantona Vlada Zeničko-dobojskog kantona je imenovala Koordinaciono tijelo za izradu, praćenje, implementaciju i izvještavanje Lokalnog akcionog plana za područje Zeničko-dobojskog kantona za vremenski period 2025. – 2030. godine, broj: 02-31-3173/25 od 21.02.2025. godine. U sastav Koordinacionog tijela imenovani su predstavnici svih resornih ministarstava i dva (2) predstavnika iz reda organizacija osoba sa invaliditetom (OSI) sa područja Zeničko-dobojskog kantona. Izrada Lokalnog akcionog plana za područje Zeničko-dobojskog kantona je u završnoj fazi usklađivanja sa Strategijom za unapređenje položaja i prava osoba sa invaliditetom i kao strateški cilj broj 1, predviđa: **"pristupačnost za osobe s invaliditetom u Zeničko-dobojskom kantonu"** a kao stratešku mjeru broj 1: **"povećanje aktivnosti uklanjanja arhitektonskih, senzornih i komunikacijskih barijera za OSI"**.

Slijedom navedenog, smatramo da inicijativa zastupnika Alena Kapkovića opravdana i plemenita i da se ista treba preinačiti u pravcu izrade programa mjera pristupačnosti osobe sa invaliditetom u institucijama, ustanovama i drugim javnim objektima na području Zeničko-dobojskog kantona ali tek nakon usvajanja i stupanja na snagu Lokalnog akcionog plana. Na ovaj način će se planirati konkretne mjere koje će doprinijeti povećanju aktivnosti uklanjanja arhitektonskih, senzornih i komunikacijskih barijera za OSI na području Zeničko-dobojskog kantona i Ministarstvo za prostorno uređenje, promet i komunikacije i zaštitu okoline će kao nosilac aktivnosti implementirati stratešku mjeru broj 1 koja se predviđa u izradi Lokalnog akcionog plana za područje Zeničko-dobojskog kantona s druge strane.

S poštovanjem,

Dostavljeno:

1x Naslov
1x a/a

MINISTAR

Antonio Šimunović

